

竹

巖

集

竹巖集卷三

明詹事府少詹事兼翰林院學士莆田柯潛著

南京戶部主事四世從孫維騏校編

清

邑庠生員鄉飲賓六世從孫亨

重校梓

江南當塗縣知縣九世從孫潮

七言古詩

蒲弄草堂

艾軒先生鳴大宋絕世文才豈天縱橫經講道倡蒲  
中別構草堂向蒲弄蒲弄山高矗天起倒影平湖三  
十里渡頭頻繫問奇船門巷紛紛響珠履一從觀化

驅疾如飈春在閩南長不消

贈李揮使

海上頻年紛甲兵李侯揚波洗却妖氛清海上頻年  
風浪惡李侯揮戈斫斷吞舟鱗憑高一笑鳴天風纖  
塵不飛雲海空貫星槎度扶桑外重譯人來日本東  
龍陽宮闕霞光繞無數仙山青未了胸次悠悠目力  
遙乾坤都入秋毫小侯兮侯兮才爲天下奇揮思長  
吟清覽詩詩成鏡向懸崖石留作閩南墮淚碑

江湖取友歌

鷓鴣栖一枝鴻鵠志遠舉人生須識天下人甕牖繩

樞誰與語年年去作江湖遊短棹輕帆隨處留豪氣  
元龍歡握手雄才王粲邀登樓有時醉踏魚龍窟水  
月搖光照清骨有時笑上青山顛手攀玉樹招飛仙  
故囊有金傾買酒得意相歡皆勝友歌聲激烈起天  
風劍氣森寒動星斗胸中但覺宇宙寬萬物紛紛盡  
芻狗丈夫如此真可奇肯學尋常兒圍叟

送長城蔡宗獻還莆

蔡君不願萬戶侯亦不願識韓荆州但願皇威清海  
宇無事年年京國遊朝上西山頂虎踞龍盤真勝景  
暮登黃金臺悲歌吊古天風來居庸鎮關限南北盧

楊柳西風生小涼  
畫橋送客傾瑤觴  
作官不似還鄉  
好况有白頭親在堂  
紫騮驕嘶醉時別  
卸鞍暮宿通  
州月明朝搥鼓上扁舟  
遠過徐揚又吳越  
到家時節  
天正寒候門老稚俱歡顏  
舊賜龍章回日月  
新裁袍  
錦耀湖山登堂獻壽酌香蟻  
賀客如雲盡珠履  
絲管  
紛紛雜笑歌  
此樂人生能有幾  
昔年我亦拜恩歸  
歡娛未畢官程催  
違養雙親又十載  
春雲秋雨空徘徊  
送君不及隨君去  
愁心飛挂閩山樹

涵江叙別圖送知縣王玉入覲

尋常送客車馬稀  
今朝車馬紛路岐  
王君有德能感

之相隨遠到涵江潛不向鑪頭買芳醴只酌涵江一  
杯水江清水碧照人寒共指君心亦如此君去朝天  
萬里程雪花時節到神京銓曹品藻今循吏最績如  
君有幾名明年三月人如雨候迎又向涵江渚只恐  
榮遷袞德侯東風花底空延佇

送道士葉文廣還五羊觀

五羊道士顏渥丹紫霞爲佩芙蓉冠采芝曉度白雲  
徑步斗夜登明月壇昨日乘風朝帝所異香滿路蒼  
鸞舞擲劍常教化作龍噓氣應令變爲雨故人相逢  
東華東開軒談笑生春風美酒千鍾不知醉神丹一

穎能還童空中忽下雙青鳥  
報道瓊花開欲了振衣  
便向西南歸老鶴數聲天杳杳

送教授劉震還闕里

纔從東魯來又向東魯去  
珊珊珂馬出津橋爛爛霜  
花照青署人生不願多得錢  
亦不願有負郭二頃田  
但願携書向東魯日與聖門  
孫子相周旋杏壇花煖  
鳴素絃舞雩高詠春風前  
况君又飽公家粟書中吏  
隱真神仙嗟我京華長作客  
侍從無才竟何益幾年  
欲作東魯遊塵土吹人行  
不得因君歸去起遐瞻  
岳巖巖倚天碧

送莫宗元赴太平府同知

月華墮地鴉聲起露色涵秋劍花紫行人欲赴于湖  
城短堠長亭數千里丈夫從來輕別離浩歌醉吸黃  
金卮有淚不洒河橋草有情不繫垂楊枝行行須重  
平生節清苦毋嫌嚼冰雪君不見古來別駕有王祥  
青史留名長不滅

送巡宰鄭孔瑞之粵

草草復草草送客燕京道九月秋草黃雁聲何處催  
寒早寒風拂袖塵冥冥夕陽返照勞勞亭人生聚散  
風花瞥官柳凋零不堪折梢子江頭促去舟蘂苦梅



酸忍分別忍分別可奈何且醉杯中之物歌浩歌後  
夜相思對明月粵山萬里高嵯峨

送湖廣僉事鄧鍾英

榜中舊友人中傑荆楚觀風著奇節悠悠湖海寄書  
稀只聽芳名慰離別昨來都下喜相逢老竹巖前笑  
語同論心未盡十年事又促行驄踏曉風風清如水  
人如玉鴈錦迴光動晴旭明朝回首重相思江樹冥  
冥烟草綠

送洗馬楊維新省祭

金闕曉鐘辭玉展歸來鄉園悲復喜堂中慈母笑相

親地下巖翁呼不起綵衣勸酒弟兄同滿堂春意壽  
顏紅還將蘋藻薦邱隴淚洒椒梧起夕風郡侯衛將  
時來會雜選軒車擁旌旆霄漢久誇麟鳳奇鄉鄰今  
識文章貴親恩似海不可量君寵如山亦未償爲忠  
爲孝須兩盡山林豈得恒相羊明年三月東風煖禁  
柳宮花照人眼此時翹首候君來東閣延賢正開館

送劉襄赴寶慶教授

長空無雲日杲杲行人曉發都門道計程兩日到渣  
川落花滿地春風老官舍深沉碧樹間紫芹香煖苔  
痕斑遺經講罷諸生退自撚吟髭看遠山有時對月

坐清夜一種幽閒天所借君不見州縣門中塵土深  
辛苦猶遭官長罵

送黎舉人還家

黎君過我茆堂夕對坐清歌快胸臆袖中忽取行波  
箋索我題詩送行客客行遙向三山去楚山暝接淮  
天樹風露生寒對月時星河壓夢傍舟處到家正值  
秋涼新簡編燈火宜相親清世功名有時遇莫謂文  
章多誤身君不見紫袍優寵中書令元是新豐失意  
人

去思歌贈姑熟唐知縣

唐侯唐侯天下奇襟懷落落才不羈清如閩風玄圃  
瓊瑤枝燦如華星素月涵秋漪昔年承恩判莆邑耕  
桑有業家家給里巷全無胥吏呼縣門不放權豪入  
侯今一去年已多遺愛猶有甘棠歌思侯不見將奈  
何挽侯不來奈若何君不見眼前傾胆歡相親去後  
有思能幾人獨有吾侯繼何武誰道今人不如古侯  
兮侯兮莫戀東吳民須念莆民久延佇

寄邦紀弟

碧天迢迢雲海隔兄弟三人兩爲客汝在揚州我在  
燕俱繫塵纓歸未得季弟居家百不憂日奉高堂雙

白頭有時騎馬出門去隨意東園西野遊竹巖昨夜  
度風雨巖頭老竹蕭蕭語涼聲滿耳不成眠起步迴  
廊重思汝嗟我年來鬢漸稀思汝不見空依依我將  
謝事還山去新築茆堂待汝歸

壽林澹軒學士先生七十

澹軒學士邦之彥落落胸中書萬卷錦袍絢日曉趨  
班蓮炬搖光晚歸院閤世昇平七十年懸弧正值小  
陽天凌寒松栢翠不改破煖梅花春最先滿堂賓客  
皆珠履共酌芳樽祝遐祉常應載筆上鑿坡未許懸  
車歸故里碧眼矐矐鬢未秋壺天歲月還悠悠待看

整頓乾坤了始向湖山深處遊

哭同淵弟

我家羣從俱秀骨愛汝生來尤絕奇雛鳳翩翩出丹  
穴華星燦燦涵清漪只今年纔二十九恥與凡兒作  
儕友窮經誦史日垂帷把筆摘詞不停手病來猶未  
廢吟哦天不憐才可奈何昨朝纔寄青泥信今日驚  
聞薤露歌歌聲滿耳含懷咽生死幽明千古別吁嗟  
蕭艾多蔚蔥蘭芷胡爲蚤衰歇竹巖夜夜驚懷抱空  
憶池塘長春草淒風吹雨不成眠欲哭無聲天地老  
來薰樓爲林尚訓作

我愛姑青湖上頭薰風南來吹滿樓十二湘簾捲輕  
碧牕櫺面面生清秋樓中主人坐當午赤日行天不  
知暑滿傾綠醕醉羲皇更把瑤琴彈舜禹嗚乎丈夫  
生爲天下奇落落長才須濟時蒼生六月苦炎熱君  
胡爲乎猶棲遲願言及早凌風起分此清陰均萬里

世德堂爲胡謐進士題

寸壤積爲山涓流匯爲海會稽之胡稱大家積德綿  
綿知幾載省元飽讀五車書後來繼武皆師儒只今  
子孫更奇絕連城羨玉千金珠攀龍跨鳳凌天起籍  
籍香名滿人耳一門簪笏爛相輝世應呼作鳴珂里

君不見多田翁守錢虜不留方寸遺兒孫寂寞門庭  
暗塵土何如世德堂中人與國同休億萬春

梅竹雙清爲王氏題

我聞王猷之家多種竹門徑蕭森清不俗又聞逋仙  
之家多種梅雪花盈盈美如玉今人誰繼古人名獨  
有王家賢弟兄竹籬茅屋獨真趣手栽梅竹誇雙清  
梅有芳兮竹有節共向寒天傲霜雪主人自是出塵  
姿笑倚高簷鬪清絕嗚乎主人兮抱幽芳與梅竹兮  
交相忌吟香弄影不出戶水邊林下空徬徨何如摘  
梅調鼎鼐折竹吹鳳凰坐令四海歌軒唐坐令四海



歌軒唐

歸田樂

歸田樂十年塵土今邱壑劍在函書在囊繞屋蒼山  
雲漠漠有田可耕園可蔬春雨流青滿村落日長但  
喜睡無驚不謂茆茨生事薄有時置酒碧藤陰白髮  
隣翁相對酌巖頭老桂吹古香水杪清風起寥廓醉  
看天地入秋毫拍手長歌舞孤鶴人生無如歸田樂

題御史傅實進士畫像

扳龍快逐風雷起敷陳三策天顏喜黃金殿上拜恩  
來自慶遭逢堯舜理畫橋流水御堤平垂楊萬樹皆

鶯聲白馬銀鞍光皎皎踏花歸去春風輕藍袍袖帶  
天香煖一路笙韶雜歌板道傍觀者如堵墻謂是神  
仙出瑤館光榮如此世亦稀過眼繁華難久持要令  
勛業滿鐘鼎乃是礪落奇男兒君不見貞元龍虎榜  
中多賢後天下至今欽仰之

題夏慎學詩後

大理寺丞夏君季爵久藏其先大夫慎學詩  
稿賢過伯魯矣余欲夏之後來者皆賢如君  
遂賦此使知重云

華箋細感湘波碧墨花淋漓含古色故家孫子重遺

文白璧如山沽不得我一見之心眼明干霄老氣猶  
英英簸弄湖山不肯學居易嘲吟風月不肯布長庚  
上窺羲皇下姚姒欲闡微言教孫子精華滿幅光照  
人可是胸中有霞綺君不見東隣愚夫多買田西隣  
老翁多積錢筆硯生塵經史蠹有兒那得成英賢煩  
寫此詩三萬幅遍令浙水家家讀

古塘泉源爲鹽山令林維盛題

古塘不識何年開但見泉源混混遙從天上來尋常  
吞吐日月變奇態有時魚龍出沒生風雷近塘有地  
皆種穀廣晦長原資灌沃黍離離禾或或秋來百室

樂豐登醉裏同歌太平曲林家子只讀書不逐隣  
翁學把鋤欲分一勺清冷去化作甘霖沛九區

風木慈烏圖爲李侍御旻題

木蕭蕭風烈烈上有慈烏栖復驚返哺無由夜啼血  
李家孝子聞之謾愁絕白首雙親嗟死別昔年親在  
未作官家貧何以爲親歡如今有祿供甘旨親掩泉  
臺呼不起呼不起將奈何寒雲碧草山之阿逢人欲  
語淚先下流作滄江千頃波縱教風停木靜烏飛去  
孝子愁心終不磨

壽萱堂爲城東顧彥真知事題

庭前不肯種凡草種得萱花長自好欲教慈母百憂  
忘期與萱花同不老畫堂沉沉春晝長母有歡顏花  
有香山中風味亦不惡頻羞魚笋侑霞觴今年暫與  
萱花別起應天書向金闕得官便爾買舟歸爲念倚  
門鬢如雪鬢雖如雪未足驚喜見兒歸衣錦榮從今  
百歲永相保日日花前笑語聲嗚呼人生老大兒可  
托不種萱花心亦樂

飲洗馬楊維新宅

小院深沉迷綵霞傍人道是神仙家春風吹綠庭前  
草夜雨新開屋角花花開如錦不長好草綠如茵易

枯槁與爾同堅松栢姿歲晏青青永相保

挽贈安人劉節婦延平王事劉璋之母

劉家貞婦翁家女德耀其妻乃其侶夫在黃泉子在  
懷自掩霜幃淚如雨酸在骨兮痛在肝寂寞孤燈照  
影寒幽花不識春風面勁草何愁夕露溥于今埋玉  
蒼山側風雨年年土花碧芳魂已逐塵散亡苦節尤  
爲人嘆息人生何用計修促但得留名死亦足承家  
况有子讀書高步雲霄遣鸞鵠昨日焚黃邱隴前日  
月垂光耀九泉嗚呼守節從來慶多有失節事人天  
所醜

烏石松濤爲陳廷威作

烏石山高不可躋  
梵王樓閣蒼雲迷  
長松落落數千尺  
短松亦與懸崖齊  
山中一夜西風作  
怒卷濤聲瀉  
秋壑夢回誤聽蟄  
龍飛便欲乘之上寥廓

梅峰霽雪同前

郡城有山似蓬島  
樓觀層層倚穹昊  
尋常秀色亦可人  
積雪晴時看更好  
斷橋流水石崖陰  
婁約梅花開滿林  
狂吟有客衝寒去  
挹取清香薰古心

送侍御嚴宗源

鐵冠豸史青驄馬  
風節稜稜不凡者  
列郡湖山屬品

題一方人物歸陶治邇來獻最趨金門錦袍五色廻  
春雲時時訪我清風館對酒吟詩到夜分今朝又向  
城南別壯志何嘗作悽咽采蘭滿把持贈君要使清  
芬長不歇

送處士吳祥著還莆

庶吉士希賢之父

翰林吉士登科早最喜嚴翁年未老春風迎養來京  
師長日怡怡在蓬島秋深忽憶故園山便向河頭買  
棹還隨雲暝入黃蘆渚乘月寒過碧草灣到家想及  
隆寒候石牕依舊梅花瘦樽中有酒醉復醒塵世從  
教觸蠻鬪



竹巖集卷四

明詹事府少詹事兼翰林院學士莆田柯潛著

南京戶部主事四世從孫維騏校編

清邑庠生員鄉飲賓六世從孫亨

江南當塗縣知縣九世從孫潮重校梓

七言律詩

遊普恩寺

新開梵宇在人寰  
回首紅雲咫尺間  
寬作虛庭容皓月  
旋移怪石當青山  
貝多葉上佛書古  
蒼蘆林中僧夢閒  
此日登遊信奇絕  
詩成滿載錦囊還

和編修楊維新天壽山道中作

紛紛塵土滿東華不似山巔與水涯  
疎雨池塘魚弄沫淡烟籬落荳垂花  
石巖僧老依孤鶴茆屋人閒點亂鴉  
昨夜西風吹鴈過新涼先已到山家

謁陵途中作

遠道無塵積雨收村村茆屋綠陰稠  
禾連廣畝多黃茂馬牧平原半紫驕  
山鳥飛隨霞送晚溪風吹入樹鳴秋  
此行敢謂馳驅甚得出城來卽勝遊

重遊松隱巖二首

十五年前此地遊重來正值一天秋  
好山橫碧水窮

處落日流紅天際頭萬頃桑麻連沃壤數行鳧雁下  
平洲蒼茫遠景看都遍又向松陰漱碧流

其二

海天空濶絕纖埃此日登臨氣壯哉老樹如龍當澗  
立流雲似馬破山來閒隨野鶴行苔徑又跨天風上  
石臺佳境留人歸未得高燒銀燭倒金壘

夏日遊西湖四首

醉騎翩翩踏軟莎水村西去碧山多遙看湖上落花  
滿知是夜來新雨過近市有橋通石澗隔溪無路入  
烟蘿同遊俱是金鑿客吟倚清風賞芰荷

寺雲樹深中半鶴巢  
灑灑清泉通石罅  
冥冥白鷺下塘  
坳夕陽未盡登  
臨興明日重來  
載酒殺

遊甕山圓靜室

在西湖北

尋常只說西湖勝  
今日纔知有甕山  
曲檻飛花香  
冉冉小橋流水碧  
灣灣樹經千歲  
不曾老  
雲在孤峰長  
自閒痛飲一樽  
償絕景  
醉時騎馬月中還

燈夕宴同年陸孟昭秋官宅二首

高懷最有陸秋官  
留客看燈到夜闌  
漸覺酒邊春意  
暖不知檐外月光寒  
金蓮紅映流蘇  
幙玉膾香生  
瑪瑙盤  
兄弟從來皆四海  
笑談須盡一時歡

果中使傳分翰苑官曉露凝腮香汗濕春冰敲齒玉  
漿寒荷恩共許攄忠盡免與傍人說素餐

裕陵挽詞和劉王靜先生韻

幾載清班侍冕旒山中今日哭珠邱六龍飛去風雷  
冥雙淚洒來天地秋月照明樓寒悄悄雲封玄壤夜  
悠悠舊時鳳輦巡遊處花自飄零草自愁

題山水圖

遶郭青山分遶近薜蘿門巷絕塵氛庭空晴日移花  
影沙煖輕鷗護水紋一葉漁舟歸晚渡幾家茆屋隔  
秋雲看圖謾憶曾遊處欲把桐君訪聘君

早朝雪中作柬會川廷貴二內翰

誰將豪句破天慳，銀色平鋪仗外山。  
閣道夙連瑤島上，羽林盡列蕊宮間。  
光添寶殿金蓮炬，寒映龍墀玉笋班。  
朝罷千官珂佩散，宮壺徧賜近臣還。

歲暮

坐倚東樓夜正長，暗驚歲月去堂堂。  
故園別後逾三載，殘曆看來只數行。  
欲遣窮魔文未就，將醫吟癖藥無方。  
多情白雪能憐我，飛作梅花滿石牀。

睡起

小閣低窗睡起時，輕風簾幙燕差池。  
水因冰泮流初

滑花爲春寒開較遲冒雨更無人送酒敲門應有客  
催詩懶隨年少尋芳去坐對鑪熏讀楚詞

柯山人來云父親七月二日到家連日與客會

飲詩以志之

巖親四月出都門暑雨晴時到故園流水一溪鷗鷺  
集白雲三徑菊松存杯中有酒長邀客花底無人笑  
弄孫嗟我未能趨膝下月明空自斷愁魂

和周次玉除夕

鴨鑪香燼酒微消笑引詩魔伴寂寥漏滴寒聲催五  
夜天回和氣入三朝玉堂冷署閒烹雪水部高才醉

頌椒明發趨朝陪御宴同歌湛露聽雲韶

和周次玉人日

金陵諸友遠分離獨有君來慰我思  
頻向客牕談舊事又因人日寄新詩  
宮花巧剪迎春勝禁柳寒低近水枝  
待得韶光濃似錦清樽綠酒更相期

喜弟邦紀至京

杳杳關河萬里途遠來深慟旅懷孤  
入門笑道親無恙搔首翻驚歲欲徂  
風颺燈花吟對酒窗涵雪影坐圍爐  
愛渠意氣猶如昨欲從鷓鴣集帝梧

與弟邦紀夜飲



沉沉燕寢有清香飲酒何妨累十觴鐘鼓餘聲聽漸  
杳鄉園舊事話來長常時枕上愁多夢今夕燈前喜  
欲狂醉後共眠姜被煖不知風雪滿迴廊

休菴爲大司馬王公題

山斗名高玉雪標病來漸覺宦情消便呼童子囊書  
去不赴隣家折簡招載酒有時過竹院看山常日渡  
溪橋笑他華髮龍鍾者猶踏青霜候早朝

題方廷獻西軒

故家孫子廟堂珍斗室蕭然寄此身竹色清含三徑  
曉鳥聲啼送一簾春琴中風月常無恙畫裏江山自

有神近已攀龍霄漢上  
夢魂猶戀水雲津

涵江書院爲陳暄太守作

韶陽太守賦歸與重理江頭宅  
一區門外不教來俗客  
座間只許着鴻儒  
芸香落蠹書千卷  
烟翠侵牕柳數株  
想見晚涼佔畢暇  
行看流水浴飛鳧

送行人司正邵震使安南

天王出震繼唐虞  
宇宙重新化日長  
要使車書歸一統  
遠頒正朔到殊方  
碧天盡處通容管  
瘴雨晴時過富良  
珍重平生清苦節  
莫將薏苡載歸囊

送蘓都事

何人能武又能文幕府元僚思不羣萬里江湖俱作客十年京國兩逢君花邊聽雨秋聲早馬上聞鐘曙色分去去若逢鄉舊問官閒頻自策詩勛

送宋儒僉憲考績還江西

西江僉憲好容儀六月承恩下玉墀綠樹輕風分手處碧梧涼雨到官時看山多上滕王閣訪古頻過孺子祠按節更應周列郡清霜飛處有春熙

送錢學士使安南二首

詔選文才第一人遠持旌節賜藩臣暫教闕下辭鵷鷺要使天南識鳳麟驛騎寒衝殘月曙官袍光動萬

花春錦囊應有如椽筆一路題詩泣鬼神

其二

東風二月出神京碧樹青山萬里程瘴雨盡隨恩雨  
散文星遙傍使星明字多古意磨崖刻詩有仙才倚  
馬成不遣歸囊添蕙苴從來心事玉壺清

春夜餞別則源兄還柯山二首

客中喜見故鄉人况是吾宗骨肉親聽雨偶同孤館  
夜看花猶憶八壺春清樽綠酒須拚醉瓦甕黃齏莫  
厭貧明發又看千里別淒淒草色暗歸津

其二

沉沉春夜雨霏微  
草草盤餐送遠歸  
酒醒漸看燈影  
暝話闌忽聽漏聲稀  
落花庭院香初歇  
芳草汀洲綠正肥  
早晚欲承歸省詔  
煩將此語報重闈

送士華兄還柯山二首

裊裊東風吹柳枝  
宦情鄉思兩堪悲  
誰知駐馬分襟處  
不似連牀聽雨時  
祖席共傾官市酒  
行囊滿載朝林詩  
無金堪寄爲親壽  
只報平安慰遠思

其二

好是同宗兩弟兄  
相將萬里上神京  
東風又踏來時路  
夜雨常關別後情  
船載灘聲過劔浦  
山連海色見

蒲城故園父老如相問爲道水衙徹底清

送侍御王廷用擢四川兵備副使

風節臺官聖主知暫教建節撫邊陲洗兵雨度巴山  
去執法星從益部移閩外何須資李廣軍中原只重  
韓琦玉堂擬把如椽筆書汝磨崖百丈碑

分得玉堂講學題送張廷璽員外赴南京刑部  
虎殿東頭鳳閣前深沉玉署擁羣仙藜光夜照圖書  
府花氣晴熏翰墨筵應制纔成詩百首賞心又作賦  
千篇儲才君已成樑棟媿我踈慵度歲年

送南京戶部員外郎林原樸先生致仕

秋風吹鬢漸成絲，便賦柴桑歸去辭。  
客裏久懷蓮社約，俸餘留得草堂貲。  
欲添詩景多栽竹，恐惹機心不  
對棋。未老乞身真自樂，世間能有幾人知。

送張瓚太守赴太原

鳴珂十載步天衢，新綰麟符下玉除。  
吏不催租無吠犬，官惟飲水有懸魚。  
桑麻處處春耕雨，燈火家家夜  
讀書。他日還隨丹詔起，有人借寇臥攀車。

送鄭思恭赴蒲圻訓導

承恩初下大明宮，人喜傳經有馬融。  
酌酒盈樽須共醉，載書滿橐未爲窮。  
鳳凰山外雲生袂，鸚鵡洲邊雨

打蓬遙想到官三月候一時桃李盡春風

送進士鄧琪榮歸

得意春風奪錦標寧親又喜下層霄片帆歸去江湖  
潤兩袖沾來雨露饒花映驛樓香冉冉草連汀館碧  
迢迢榕城門外人無數共看鳴騶過畫橋

送教諭林克廣先生致仕還莆

欲隨鷄鳳上蠻坡其奈蕭疎兩鬢何杳杳離心懸海  
月紛紛歸興滿烟蘿高懷山谷吟鷗社老節秋崖賦  
繭窩遙想東軒方判府談詩無日不相過

送王世用還歷城



齊東有客賦驪駒歸去鄉園水竹居  
細雨落花香入硯淡烟垂柳綠盈渠  
有時邀客勸新釀長日臨牕讀舊書  
聞說郡侯能下士常乘五馬到門間

送林彌贊赴餘姚訓導

林家喜有鳳毛奇滿腹文章欲濟時  
人儼劉蕡行擢第天教胡瑗去爲師  
祖筵對酒仍彈劍客路逢山便賦詩  
月照姚江尙相憶雙鱗休遣寄書遲

送進士錢景通赴青州推官

曾爲龍虎榜中人新拜除書下紫宸  
要使門無投刺客莫教庭有泣冤民  
郊亭酒盡青山暮驛路花明碧

海春名士未應淹佐郡孤帆早晚問歸津

送王訓導赴廬州經歷

碧山深處有儒珍閉戶看書甘自貧應詔起爲天上  
客拜官去作幕中賓長空落日孤鴻影岐路西風一  
騎塵雪意濃時應到郡梅花清映玉標人

送葉茂高赴廣昌知縣

泮上分襟憶昔年都門相見欲華顛細談舊事連三  
日喜拜新恩下九天寫化雙鳧春水外琴隨一騎夕  
陽前優才況是山深處無事長歌白雪篇

送林允器通判紹興

名郡從來說會稽湖山應冠浙東西知章高節齊秦  
望安道清風在剡溪人去蘭亭春草合龍蟠禹穴暮  
雲迷君才易了官家事徧訪遺踪醉品題

送侍講陳秉中掌南京院事

尋常玉署盡委蛇何況金陵事更稀閒逐春風看舞  
鶴不須曉漏着朝衣翠微亭上題詩去玄武湖頭放  
棹歸最喜家山回首近頻緘音信問庭闈

贈別封編修尹公還鄉

韋布辭家衣錦還都門祖道萬人看非因獻策干明  
主只爲生兒拜好官霜落薊邱楓葉老風高淮浦雁

聲寒故園者舊歡迎處笑道天朝雨露寬

送湯生還吳中省墓

吳門駐馬到家時不見雙親淚滿頤  
洒洒空澆墳上土剗苔愁看路傍碑  
碧雲和雨湖山暝落日生風草樹悲  
幽恨滿懷言不盡逢人只誦蓼莪詩

送戶部員外郎林長清致仕還莆

林君年方五十七辭祿歸余喜其勇退於流俗有警也賦以送之

懶騎羸馬踏紅塵鬢未垂絲早乞身  
楊柳曉烟迷祖帳桃花春水漲歸津  
長辭天上青雲侶閒作山中白

社人我亦欲携書劍去清風明月往來頻

送澄一清和尚還天寧寺

遊遍名山憶故山  
藜筇半禿衲衣斑  
天邊飛錫凌風度  
江上浮杯泛月還  
蒼荀香中翻貝葉  
薜蘿深處扣柴關  
他年宦轍過常郡  
幸借空門半日閒

題太常少卿陳公錫草堂

白首歸田荷寵榮  
風流誰似太常卿  
烟霞深處開新業  
鷗鷺羣中覓舊盟  
溪溜寒聲和夢杳  
山分晴翠入詩清  
客來懶問人間事  
呼取芳樽對月明

分題賦得逢原仙隱奉壽尹侍讀尊甫先生

僮僮我欲尋源花裏去碧牕明月共談玄

次韻寄綠野朱廷聘

朝天常聽曉鐘餘退直歸來晚漏初媿我無才叨近侍  
憐君有道口閒居山環綠野飛空翠月滿瀛洲照碧虛  
兩地相思不相見幾回翻爛寄來書

次韻寄題士華兄別墅

山下村庄十畝餘蕭蕭生計破荒初香蒲細柳和雲種  
小屋低牆傍水居春暖行穿花徑杳晚涼吟倚竹牕虛  
陶然一笑新聯就起向芭蕉葉上書

無題四首和李義山

芙蓉暮寒何處鴉聲起添作愁城又幾重

其四

人在蓬萊欲見難重門花落又春殘驚回遠夢鶯猶  
語題就長緘視已乾雲母屏前香縷細水晶簾外雨  
聲寒篋中舊製雙紈扇愁拂塵埃強自看

挽永新伯許成

當年仗劍去從龍手握金符蓋世雄萬里關河經百  
戰九霄日月照孤忠未饒韓信無雙士直比汾陽第  
一功如此英靈元不死蕭蕭宰木起長風

挽漳浦陳松菴處士

聞說松菴處士賢，岩扉隨分老風烟。  
青山對戶自千載，白髮催人無百年。  
蝴蝶夢中尋傲吏，藥珠香裏覓飛仙。  
吟魂不逐西風散，常在梅梢落月邊。

挽靈濟宮邵以正真人

虎殿當頭傑，直回尋真穿破白雲堆。  
只傳子晉朝天去，不見蘓耽跨鶴來。  
點易牕前空皓月，步虛壇上半蒼苔。  
鬼神長護青龍劍，時有光芒映上台。

挽吳時耕

號菊泉

可恨人生無百年，儒英凋謝更堪憐。  
花間久撤談經席，湖上空餘載鶴船。  
琴爲無人囊欲蠹，詩因有子稿



還傳相知最是籬東菊愁絕西風暮雨天

挽黃稚器

深築溪堂賦考槃輕蓑小艇事綸竿胸無俗氣吟詩  
好家有清風遺子安巢鳳竹枯秋月冷臥龍人去暮  
雲寒悠悠往事憑誰問抱得瑤琴不忍彈

挽建安朱文魯節判

壽陽別駕晦翁孫謝事歸來水竹村明月斷魂何處  
覓清風高節至今存傳經期有兒登第問字更無人  
到門幾度傷心思故老落花殘雨又黃昏

七言絕句

五月二十日奉 東宮令旨代咏石榴

一夜西風破錦囊  
丹砂爲顆玉爲漿  
文禽知是天家物  
獨立枝頭不敢嘗

客中九日

小齋無地種黃花  
酒熟隣釭不我賒  
惆悵無情秋已老  
夕陽高樹噪寒鴉

閨情二首

深院無人獨掩門  
一庭花影弄黃昏  
錦機織就相思字  
半是愁情半淚痕

其二

耿耿殘燈照不眠  
寶猊香燼夜如年  
可堪簾外梧桐雨  
絆惹新愁到枕邊

三月晦日作

斗室脩脩半掩扉  
一春多病賞心違  
東風不忍輕相別  
吹送楊花滿院飛

題沈暉進士畫

雲滿青山水滿溪  
尋芳人在板橋西  
江南佳景依稀似  
只欠春風一馬蹄

題畫送陳公輔歸毘陵

故人歸去碧山阿  
茅屋深深掩薜蘿  
一榻白雲眠未

起石闌干外落花多

題畫爲編修鄭瑤夫作

霜滿扁舟月滿磯  
水波搖影上秋衣  
夜深猶在蘆花外  
不釣鯨鰲不肯歸

水亭聽雨爲劉貢士題

下五首同

踏遍春山酒未醒  
晚涼還上水邊亭  
小童莫喚登舟去  
溪雨來時正好聽

秋林停車

短轅載酒覓竒蹤  
最愛秋林紫翠重  
昨夜清霜紅入藥  
又添山色幾分濃

携琴步月

白髮山翁住翠微  
蘿雪長與護柴扉  
抱琴無處尋知己  
自向溪頭步月歸

斷橋喚渡

斷橋流水碧灣灣  
溪上春來花滿山  
無數尋芳人喚渡  
孤舟盡日不曾閒

棠梨白頭

開到棠梨春事休  
紅情綠意總堪愁  
雙禽無計留春住  
恨倚東風雪滿頭

梅花山雀

絳葩玉蕊一般奇，共鬪濃芳雪霽時。  
羣雀驚寒栖不定，振翰欲上萬年枝。

題小景二首

一色瓊瑤山徑深，蹇驢馱醉曉駸駸。  
誰家樓上寒吹笛，落盡梅花何處尋。

其二

萬雉危城壓大江，疎鐘幾杵隔雲撞。  
扁舟無數歸來晚，滿載灘聲過釣缸。

題竹贈晉江柯秉上舍

泉南奇士我同宗，曉日分携鳳闕東。  
持贈歲寒蒼玉

去不來舊基零落荒蒼苔高林日暮鳥相語廢圃春  
深花自開花開花落幾今古風教何曾委塵土綿綿  
書澤猶在人滿邑絃歌比鄒曾我來曾過山之陬夕  
陽駐馬空回頭九原之魂不可作臨風一笑雲悠悠  
驄馬行春爲福建僉憲李顯作

青驄馬三花驥金環玉勒搖玲瓏憲臺之官氣如虹  
揚鞭隨處行觀風朝行行兮行不止要使陽和布千  
里暮行行兮行且休老稚喧呼遮道留但見山之顛  
水之際霧散雲消靄春意民不號寒草不枯獨有豪  
強屏生氣青驄馬勿還朝我欲秣爾以場苗令爾馳

溝水接黃河，瓜玉泉挂長虹。瓊島奠鰲極，九重宮闕  
簇雲霞。萬井樓臺炫丹碧，眼中形勝不易得。一一觀  
之快胸臆，忽思故土天一方。攬衣便上南歸航，到家  
時節秋尚早。白酒新篘醉傾倒，有人問訊玉堂官。老  
竹岩邊被詩惱。

送都憲王世昌巡撫大同

王君好文仍好武，按節邊城走驕虜。東風三月入朝  
天，驄馬如龍氣如虎。北門鎖鑰似君稀，詔書又促臨  
邊夷。曉日纔從青瑣別，英風便向黑山馳。劍花照人  
光皎皎，萬里胡天眼中小。陣前催築受降城，帳底聞



看出師表折衝樽俎才最優桴鼓不鳴烽火收憲臣  
解佐中興業聖主應寬北顧憂君行君行須努力白  
登懸崖高百尺剡石銘功耀無極

送南京戶部郎中翁世用

今日送君君未逢天昏只在通州橋明日思君君漸  
遠海澗天長目力短淮山高高淮水平楊子江空秋  
月清好風吹帆疾如馬片時便到金陵城金陵多是  
同鄉友銀燭高堂歡聚首紛紛世事置勿論且酌黃  
花一樽酒

送郎中王弘璋歸省

其二

天風兩袖下蓬瀛十里湖光照眼明行近荷花香滿  
鳥坐依苔石翠沾纓白雲飛去不留迹黃鳥啼來如  
有情野老亦能知愛客短筇扶過石橋迎

其三

上方樓殿少塵埃暇日尋幽得趣來坐久花陰移近  
席吟餘松子落成堆僧邀訪竹穿雲去鶴伴看山繞  
澗回忽有好風吹滿面趁涼騎馬度巖隈

其四

遠野蒼茫接近郊酒旗搖曳出林梢湖山佳處多僧

其二

賜閒共荷聖恩隆來醉仙郎畫館中白雪陽春非越  
調黃柑錦荔有吳風帽檐斜插金花重鰲背高張火  
樹紅人語闌珊簫管歇玉繩低挂鳳樓東

題李侍御庄上

清絕山居苔滿蹊茆檐常借與雲栖舊栽槐樹陰初  
合新種秧苗葉未齊流水一灣芳草渡暖風十里綠  
楊堤我來對景忘歸去吟得新聯拂石題

六月望日 賜玉桃作

聖主龍飛四海安儒臣濟濟侍金鑾內園新薦瑤池

聞說逢原水石奇，仙樓溪館日委蛇。有官不與人爭席，無事常邀客對棋。清影入簾雲起處，涼聲滿澗雨來時。身閒便得長年術，何用尋仙采玉芝。

題陳可晦先生龍塘清隱卷

先生白髮賦歸田，新結茆簷八九椽。半畝方塘寒浸月，滿庭芳草煖生烟。花前疎雨兼秋聽，林下清風傍午眠。從此無心塵世事，一樽長醉大槐天。

贈崔知觀

蓬萊真境住神仙，近在城南尺五天。一徑雲深無覓處，數株松老不知年。山瓢酒熟邀金母，石鼎丹成寄

瑣窻睡起下堂來，懶撥新聲繞殿雷。  
楊柳蕭疎春欲老，杏花零落燕初回。  
踏歌盡愛芳卿麗，咏雪誰憐憐道韞。  
才愁思未消香已燼，晚風吹散鴨爐灰。

其二

翠袖湘裙立曉風，絳紗牕外畫闌東。  
傷心玉笛聲初斷，回首瑤臺信未通。  
滿地淡烟芳草碧，一簾殘雨落花紅。  
年來但守芳心在，兩鬢從教似短蓬。

其三

夢斷高唐失故蹤，景陽宮遠不聞鐘。  
十分草色爲誰綠，百和花香空自濃。  
閒向屏間描孔雀，無因江上采

節相隨一路有東風

夜夢家中盆梅盛開

盆石蟠梅舊日栽一枝髣髴夢中開  
覺來迷却江南路獨帶寒香兩袖回

雪中見梅花

溪橋倚棹雪晴時一樹寒梅玉滿枝  
我道梅花開太早梅花却笑我歸遲